

CHRIST KING HR. SEC SCHOOL, KOHIMA
CLASS - 10
Subject: Tenyidie (Poems)

Niaki

1. 'Niaki' geizo-u supuo zoshü ga mu ükezomia niaki üse supuo mhatho üdi pu ga?

Kl. 'Niaki' geizo Dino zoshü. Ükezomia niaki üse Terhuomia mhatho üdi pu.

2. Niaki Kedipuo chüzhü rei puo nyietaya kemo pushü ga?

Kl. Niaki-e rüge puo thuo puo bara vo di thu la par mha va ziekruoshüya mu rüge sei zhü rei puo nyietaya kemo pushü.

3. Niaki geizo-u nu ükezopfüe 'Niaki' üse puo rhei kimhie üdi pushü ga? Ükezopfüe kedipuo chünyü üsi ga?

Kl. Niaki geizo-u nu ükezopfüe 'Niaki' zivi ha pu hukeliepfü mo, merieyhara mu ziekruoi mu mha kemelei kemevako niaki kezie thepu se di zie baya üsi. Ükezopfüe pera chü di pruo niaki rüwhi banyü üsi.

4. Niaki geizo-u nu ükezopfüe niaki kezie kemevi kicükropuo pushü ga?

Kl. Tei vi pie mesampou ketuoko, tei rükhrie pie seiko he keyo kebako, tekhou nu telha chiebie keviko, nyipou pou puo weluo chü kebako pete rei niaki kezie ha la u noumvü keba pushü

6. Mephriemelei rü keziekruoi,

N kevora n zivi thepu,

Telhe mo rei u mhi se ketsei

Kesurü jü kezivi phrelie.

i) Diecha hako geizo kiu nunu separ ga?

Kl. Diecha hako 'Niaki geizo' nunu separ.

ii) Kedipuo mhie di zivi thepukecü ca hau silie vi ga?

Kl. Niaki kezie zivi ha pu hukeliepfü mo, merieyhara mu zie kruoi, mha kemelei kemevako niaki kezie thepu se di zie baya.

iii) Kedipuo kemhie di umhi se ketsi tuoya ga?

Kl. Niaki kezie la mha pete rei ngu zivi, ngu u mhi se ketsi baya.

7. Tei we mho geinu rülurülhe,

Teinuo rükhrie sei mezünuo he

Ketsa sei nyü pejo khrei rule,

Tekhou mezie chie we pfü keduo

Menyiepounuo pou puo weluo chü,

Kezhücü rei n kezie mo ro,

Zivi hu di noumvü hu lholie.

i) Diecha hako geizo kiu nunu separ ga?

Kl. Diecha hako 'Niaki' geizo nunu separ.

ii) Kedipuo tei mho geinu rülurülhe zaya ga?

Kl. Niaki-e tei mho geinu rülurülhe zaya üsi.

iii) Ükezomia geizo hau nu kedipuo dze pushü ga?

Kl. Ükezomia geizo hau nu Niaki dze pushü.

iv) Geizo diecha hako ca vatshashülie.

Kl. Geizo diecha hako Niaki geizo nunu separ mu Dino zokeshü geizo puo..

Diecha hako ca liro, tei vi pie mesampou ketuoko, tei rükhrie pie seinyü he keyo kebako, tekhou nu telha chiebie keviko, nyiepuo pou puo weluo chü kebako pete rei niaki kezie ha la u noumvü keba zo üsi.

8. Ükezopfü Dino-e Niaki geizo nu niaki gei puo kemengu kicüpuo pushü ga?

Kl. Ükezopfü Dino-e Niaki geizo nu pukeyü u themia ha pera puo chü di pruolieyakecü puo chücü we pruo zo niaki kezie pfhü vo nyükecü pushü derei niaki-e puo zivi kevie lawatolo süla rhei sei ba di niaki kezie meho ba nyükecü kemengu pushü.

RÜTSOLHOUÜ

1. Kedipuo la Rütsohouü geizo hau zoshü ga?

Kl. Rütsohouü ücü thenu hapfü puo krü siaketa sie nu puo niue-e puo tepie zelieta. Süla puoe puo niue gei ja di geizo hau zoshü.

2. Rütsohouü kiüdi puo nhicu dze le rünoumo üdi pug a?

Kl. Nhicu chü di u krü bu u pfü u pie u dzie merhashü, khise sie sünhie u bu suomia ze kibatuo shi idi u ngu u nou mezhie di u kenylu ikeba teiki dzeko le rüno mo üdi pushü.

3. Joyie sü kedipuo ga?

Kl. Pera krüdzünie kepfhekho sei bayakezha pera puo.

4. Kiüdi Rütsohouü puo thuo puo pie thevü se mia sieshükewa ze kemejüta ga?

Kl. Rütsohouü puo niue puo tepie zewa di puo bu puo krü mengu rei kemenga tuoketa la puo thuo puo pie thevü mia sieshükewa ze kemejüshü.

5. Rütsohouü-nuo ramia puo rüve Merhiera vo unie kesekelieu supuo ga?

Kl. Vipfhe

6. Rütsohouü Vipfhe bu pfheu se puo niue ketsü ki kikemhie pulie nushü ga?

Kl. Rütsohouü Vipfhe bu pfheu se vo puo niue ketsü ki puoe puo nei di pfheu chükelie mhatho mo derei mia tsokhi chü di puo va pie cüketuo mhathoü pushü nushü.

7. U krünoo jüta ro suomia u meho di lhoulieya ga?

Kl. U krünoo jüta ro unie udimia u meho di lhoulieya .

8. Rütsohouü khrükelieu puo ze hou kirapuo vo üsi ga?

Kl. Rütsohouü khrükelieu puo ze hou tephrie kijütsa tsu , süsie rei puo ze la Miakrüchatsa la vo isi.

**9. “Nhicu rüzhü hie kehie shüshie,
Hie pfu hie pie hie zuo hie dzie shü,
Suo ze bata rei la hie kenylu,
Keba ki we jüta mo dinu.”**

i. Diecha hako geizo kiu nunu se par ga?

Kl. Diecha hako ütsohouü geizo nunu se par.

ii. Ükezomia geizo hau nu kedipuo dze pushü ga?

Kl. Geizo nu Rütsohouü ücü thenu hapfü puo krü siaketa sie nu puo niue puo tepie zekewa la puo niue gei puo keja die se geizo-u zokeshü ngulie.

iii. Geizo diecha hako ca vatshashülie.

Kl. Khakeshü diechako nu pukeshü, nhicu chü di u krü bu u pfü u pie u dzie merhashü, khise sie sünhie u bu suomia ze kibatuo shi ikeba teiki we puo krü rei siata moluo ücü pushü.
